

Broj: 03-04-1540-30/2023
Sarajevo, 19.01.2024 .godine

PARLAMENT FEDERACIJE BOSNE I HERCEGOVINE

Predstavnički dom

gđa. Alma Kratina, poslanik ✓
gosp. Ivan Miličević, sekretar

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 22-01-2024			
Org. jed.	Broj	Priloga	Vrijednost
05/A	-02-	575	23

Predmet: Odgovor na poslaničko pitanje

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08 i 26/20), u prilogu Vam dostavljam akt Federalnog ministarstva prostornog uređenja, broj: 04-02-4-1597/23-2 od 15.01.2024. godine, koji sadrži odgovor na poslaničko pitanje, koje je, na nastavku 4. redovne sjednice Predstavničkog doma Parlamenta Federacije Bosne i Hercegovine, održanom 21.12.2023. godine, postavila poslanik Alma Kratina.

S poštovanjem,



SEKRETAR VLADE

dr. sci. Edita Kalajdžić

Prilog: kao u tekstu

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ФЕДЕРАЛНО МИНИСТАРСТВО ПРОСТОРНОГ УРЕЂЕЊА

Broj: 04-02-4-1597/23 -2
Sarajevo, 15.01.2024..godine

Bosna i Hercegovina
Federacija Bosne i Hercegovine
Vlada
N/p: Sekretara
Hamdije Ćemerlića 2, 71000 Sarajevo

BOSNA I HERCEGOVINA
FEDERACIJA BOSNE I HERCEGOVINE
V L A D A
Sarajevo

PRIMLJENO: 18.01.2024.			
Organizaciona jedinica	Klasifikaciona oznaka	Redni broj	Broj priloga
03-	04-	1540-30/	2023

Predmet: Poslaničko pitanje, dostava odgovora

Veza: Vaš akt broj: 03-04-1540-30/2023 od 28.12.2023.godine, **daje se**

Poštovani,

Vašim aktom, broj 03-04-1540-30/2023 od 28.12.2023.godine, obratili ste se nadležnim ministarstvima za okoliš, prostorno uređenje, rad i socijalnu politiku, radi davanja odgovora na dostavljeno poslaničko pitanje, koje je na nastavku 4. redovne sjednice Predstavničkog doma Parlamenta Federacije BiH, održane 21.12.2023.godine, postavila Alma Kratina, poslanik u Predstavničkom domu.

Pitanje se odnosilo na prijavu za finansijsku pomoć za primjenu mjera energetske efikasnosti na stambenim objektima na osnovu Programa utroška sredstava „Tekući transferi drugim nivoima vlasti i fondovima - Podrška Evropske unije Bosni i Hercegovini u cilju ublažavanja negativnog socio-ekonomskog uticaja energetske krize“ utvrđen budžetom Federacije BiH za 2023. godinu Federalnom ministarstvu prostornog uređenja realiziranog putem Fonda za zaštitu okoliša, i ograničenja definisanih Javnim pozivom ukoliko je podnosioc prijave ostvario finansijsku pomoć, odnosno podršku energetske siromašnim potrošačima, iz Budžetske podrške EU realiziranog putem Federalnog ministarstva rada i socijalne politike.

Slijedom pitanja, ispred Federalnog ministarstva prostornog uređenja, dajemo slijedeći odgovor:

Vijeće Ministara Bosne i Hercegovine je, na sjednici održanoj 22.12.2022.godine, usvojilo Akcioni plan/Mapu puta za Ugovor o paketu energetske podrške za državu i izgradnju otpornosti. Usvajanjem navedenog Akcionog plana/Mape puta ispunjen je preduslov za potpisivanje Finansijskog sporazuma IPA III za 2023. godinu, između Bosne i Hercegovine i Evropske komisije;

Finansijski sporazum za pretpristupnu pomoć, IPA III za 2023.godinu, Bosna i Hercegovina je potpisala i ratifikovala u aprilu 2023. godine, što je osnova za početak provođenja Ugovora o paketu energetske podrške državi i izgradnji otpornosti;

Akcionim planom/Mapom puta definirana je Mjera 1.: Podrška energetske siromašnim potrošačima/ugroženim domaćinstvima da prevaziđu povećanje cijena računa za grijanje, te Mjera 4.: Podrška mjerama energetske efikasnosti za stambene objekte, uz

naglašavanje da se u okviru realizacije Mjere 4. neće podržati isti korisnici koji su uključeni u realizaciju Mjere 1. Ovdje se radi o različitim programima koji ciljaju dvije različite kategorije stanovništva. Prva grupa koja je obuhvaćena Mjerom 1 se odnosi na relativno siromašna domaćinstva, kojima je potrebna direktna novčana podrška, dok je Mjerom 4 obuhvaćena druga grupa (implementacija mjera energetske efikasnosti u stambenim objektima) koja nije u relativnom siromaštvu, pa je Programom obuhvaćeno sufinansiranje mjera energetske efikasnosti, za razliku od prve grupe kojoj se dodjeljuje direktna finansijska pomoć. Dakle, očekivani uticaj i ciljne populacije su različite, prva je usmjerena na siromašne, dok je druga usmjerena na energetske efikasnost;

Slijedom naprijed navedenog, Vlada Federacije Bosne i Hercegovine je bila u obavezi da se, u okviru implementacije Budžetske podrške EU za energetske potrebe, prilikom pripreme, usvajanja i implementacije Programa utroška za komponente budžetske podrške EU pridržava obaveza i uvjeta utvrđenih međunarodnim Ugovorom;

Fond za zaštitu okoliša Federacije BiH je raspisao Javni poziv za dodjelu sredstava iz Budžetske podrške EU za provođenje mjera energetske efikasnosti u stambenim objektima, na osnovu Zaključka Vlade FBiH V. broj 1722/22 od 24.11.2022. godine i Odluke o usvajanju Programa utroška sredstava „Tekući transferi drugim nivoima vlasti i fondovima - Podrška Evropske unije Bosni i Hercegovini u cilju ublažavanja negativnog socio-ekonomskog uticaja energetske krize“ utvrđen budžetom Federacije BiH za 2023. godinu Federalnom ministarstvu prostornog uređenja, koji su uobzirili uvjete donatora (EU).

Dostaviti:

1. Naslovu
2. Evidencija
3. a/a

